



ALTERNATIV DEMOKRATESCH
REFORMPARTEI

Groupe parlementaire

Här Mars di Bartolomeo
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, de 7. August 2017

Här President,

Sou wéi d'Chambersreglement et virgesäit, bieden ech lech, dës parlamentaresch Fro un den Här Justizminister, d'Madame Minister fir Gesondheet ä Chancëgläichheet an d'Madame Minister fir Famill an Integratioun weiderzeleeden.

Der Weltgesundheitsorganisatioun (WHO) no, liewen 2017 méi wéi 200 Milliounen Meedercher a Fraen – aus 30 Länner an Afrika, dem Mëttleren Osten an Asien, wou déi weiblech Beschneidung zum Deel Bestanddeel vun de Bräich ass – mat enger Beschneidung vum weibleche Genitalorgan. Laut Schätzung vum der Weltgesundheitsorganisatioun stierwe gutt e Véierel vun de betraffene Fraen un de Folge vun esou enger Beschneidung. Dës Prozedur, déi ouni medezinesch Grënn an dacks ënner onhygieneschen a primitive Bedéngungen duerchgefouert gëtt, ass eng Verletzung vun de Mënscherechter vu Meedercher a Fraen.

An deem Kontext hätt ech e puer Froen un d'Regierung:

1. Goufe bis haut Fäll gemellt oder bekannt, bei deenen eng Beschneidung vum weibleche Genitalorgan, vu Medeziner oder vu Privatleit, zu Lëtzebuerg praktizéiert gouf? Wa jo, wéi vill sinn dat der?
2. Presseberichte iwwer d'Evolutionen am Zesammenhank mat der Migratiounskris an Däitschland behaupten, datt eng Rees an d'Heemechtsland ka genotzt ginn, fir esou Prozeduren duerchféieren ze loosse. Wat geschitt an deem Fall, wou dëst duerch kloer Signaler am Schoulëmfeld oder an ëffentleche Betreuungsstrukture festgestallt gëtt? Ass d'Personal fir dës Sujet sensibiliséiert a sinn si verflucht esou Fäll ze signaliséieren? Wann si esou e Fall mellen, wat geschitt dann?
3. Ass de Gynekologen an aneren Dokterer hei am Land verséichert, datt si – wann si constatéieren, datt hir Patientin an deem Fall ass – esou ee Fall signaliséiere kënnen, ouni mat hire gesetzleche Verfluchtungen a Konflikt ze geroden?
4. Goufen d'Gynekologen hei am Land an deem Kontext fir dës Sujet sensibiliséiert? Wann nee, gesäit d'Regierung hei eng Noutwendegkeet?

5. Gouf dru geduecht, den Elteren, deenen hiert mannerjäregt Meedchen – an där Zäit, an där et hei am Land leeft – Affer vun esou enger Genitalverstümmelung gëtt, d'Garde vum Mannerjäregen ofzehuelen?
6. Lafen hei am Land Opklärungscampagnen zum Sujet Genitalverstümmelung, déi sech spezifesch un d'Migranten an un d'Flüchtlinge riichten? Wann net, sinn der da geplangt a gëtt et schonn e Konzept dofir?

Mat déiwem Respekt,



Fernand Kartheiser
Deputéierten